



شخت جلیلم اسلامیک جریدہ رسمیه پیدر

رجب الفرد ۱۳۳۴ [*]

عدو: ۶۵

آیدہ بر نشر اول نور

اوپر خفی سنہ

غله سنه متعلقه اولان دعوائی استماع ایدمه منر اما اصل وقفه یا او واقفک دیگر عقارات موقوفه سنک غله سنه متعلقه اولان دعوالری استماع ایدمه بیلور.

★ ★

مقابر حقنده

مقابرک حال سابق ایله محافظه اولنسی شرعاً واجب اولوب هیچ بروجهله تعدی ایدلمسینه مساع شرعی اولمائیگی کی شاید تعدی و تجاوز ایدن اولورسه تعزیرشدیده مستحق اولدقدن بشقه هیچ بروقت مرور زمان دخی جاری اولمیه جفندن حال سابقه اعاده وارجاع ایدلمسی مقتضی بولندیغنک جواباً اشعاری .



قوانین و نظامات

توحید مسکوکات حقنده قانون موقت [*]

ماده : ۱ دولت عثمانیه نك اصول سكه سنده مقیاس قیمت آلتوندر . واحد قیاسی غروشددر .

ماده : ۲ آلتون واحد قیاسی مقامنه قائم اولان غروشلق سكه نیکل اوله رق مضروب اولوب قرق پاره اعتبار اولنور . غروشک یکرمی واون وبش پاره لك اجزاسی نیکل وایکی وبش واون ویکرمی غروشلق اضعافی کوش ویکرمی بش واللی و یوز وایکی یوز اللی وبش یوز غروشلق اضعافی آلتوندر .

ماده : ۳ مسکوکات عثمانیه نك انواع واجناسی وزن وعیارلری بروجه آتیدر .

نیکل مسکوکات

عیاری	وزنی	کسر	اجناسی
خالص نیکل	گرام		بش پاره لق
» »	۱	۷,۵۰۰	اون
» »	۲	۶,۵۰۰	یکرمی
» »	۴		قرق
» »	۶		(غروش)

[*] تقویم وقایع الله نشری تاریخی : ۱۱ جمادی الاخره ۱۳۳۴ و ۱ نيسان ۱۳۳۲
نومروسی : ۲۴۹۸

کموش مسکوکات

عیاری	وزنی	کسر	اجناسی
بیکده	۲	۴۰,۵۰۰	ایکی غروشلق
	۶	۱,۴۰۰	» بش
۸۳۰	۱۲	۲,۷۰۰	» اون
	۲۴	۵,۵۰۰	» یکر می

آلتون مسکوکات

	۱	۸۰,۴۱۲	یکر می بش غروشلق
	۳	۶۰,۸۲۸	» الی
	۷	۲۱,۶۵۷	» یوز
۹۱۶ $\frac{۲}{۳}$	۱۸	۴,۱۴۲	» ایکی یوز الی
	۳۶	۸,۲۸۵	» بش یوز

ماده : ۴ کموش مسکوکات ایچون حد قبول نهایت اوچ یوز ونیکل مسکوکات ایچون الی غروشدز . بوندن فضله مقدارده کموش ویا نیکل قبولی ایچون هیچ بر دائن اجبار ایدیه منز .

ماده : ۵ ممالک عثمانیهده الیوم تعاملأ موجود اولان مختلف آچه رایجلی الفای ایدلمشدر . قانونأ معین رایجلردن فضله ویا نقصان رایج ایله اخذ واعطا ممنوع اولوب خلافتده حرکت ایدنلر حقنده قانون جزانک طقسان طقوزنجی ماده سنک اوچنجی ذیلنه توفیقأ ترتیب مجازات اولنور .

ماده : ۶ مختلف آچه قیمت قانونیهلری بیننده فرق حصولی استلزام ایده جک هر درلو معاملات احتکاریه وصرافیہ ممنوعدر . بوکا اجتسار ایدن کیمسه اوچ آیدن ایکی سنهیه قدر جنس اولنور . بو جرم بر مؤسسسه طرفندن ارتکاب اولندینی حالده فاعل اولان کیمسه عین صورتله مجازات اولنمغله برابر مؤسسسه دخی بر هفتهدن اوچ آیه قدر سد و بند ایدیلور .

ماده : ۷ بو قانونک مرعیتندن اول ذمتده ثابت اولان دیون آچه نک نوع ویا قیمتی تعیین وتصریح اولنمیهرق غروش اوزرینه ترتیب ایتمش ایسه ذمته تعلقی تاریخننده کی آچه رایجی ایله ایفا اولنور . آچه نک نوعی ویا قیمتی تعیین وتصریح ایدلمش اولدینی تقدیرده انکله ایفا اولنور . خزینہ بو حکمدن مستثنا اولوب اشبوقانونک تاریخ مرعیتندن اعتبارأ بالجمله دیون ومطلوباتی ایکنجی مادهده مصرح رایجلر اوزرندن ایفا واستیفایلر .

ماده : ۸ ۱۲۹۶ تاریخی مسکوکات قرارنامه سی ملقا اولدینی کی بوقانون احکامه
مقایر اولان بالعموم قوانین ونظامات ومقررات دخی مفسوحدر .

ماده موقته

ماده : ۹ ۲۸ شباط ۱۳۳۱ تاریخی قانون موجبجه بیک اوج یوز اوتوز اوج
سنه سی غایتته قدرتداول ایده جک مسکوکات حقنده بوقانونک ایکنجی واوچنجی ماده لرندن
غیری احکامی جاریدر . بونلر ایچون حد قبول نیکل مسکوکاتک حد قبولی کیدر .

ماده : ۱۰ اشبو قانونک اجرای احکامی تأمین ایده جک نظامنامه لر تنظیمه
مالیه ناظری مأذوندر .

ماده : ۱۱ بوقانون تاریخ نشرندن اعتباراً مرعیدر .

ماده : ۱۲ بو قانونک اجراسنه عدلیه ومالیه ناظرلری مأمورددر .

مجلس عمومینک اجتماعنده قانونیتی تکلیف اولنق اوزره اشبو لایحه قانونیه نک موقتاً
موقع مرعیته وضعی وقوانین دولته علاوه سی اراده ایلدم .

۵ جمادی الاخره ۱۳۳۴ ۲۶ مارت ۱۳۳۲

محمد رشاد

صدر اعظم
محمد سعید

عدلیه ناظری
ابراهیم

مالیه ناظر وکیل
طلعت

★
★ ★

۱۳۲۷ علمیة بودجه سنه ضمیمه ۲۲,۵۰۰ غروشک صرفی حقنده قانون [*]

ماده منفرد — دائره علمیة نک اوج یوز یکر می یدی سنه سی بودجه سنک یدنجی
فصلنک برنجی طلبه علوم ومأمورین خرج راهی ماده سنه یکر می ایکی پیک بش یوز

[*] تقویم وقایع ایله نشری تاریخی : ۱۹ رجب ۱۳۳۴ و ۹ مایس ۱۳۳۲
نومروسى: ۲۵۳۵

غروشك تخصیصات منضمه صورتندہ علاوہ سیلہ صرفہ شیخ الاسلام و مالیہ ناظری
مأذوندر .

[قوه اجرائیہ جہ ۶ ربیع الاول ۱۳۳۰ و ۱۱ شباط ۱۳۲۷ تاریخندہ تنظیم و موقتاً موقع
تطبیقہ وضع اولنان اشبو قانون لایحہ سی ۱۰ کانون اول ۱۳۳۱ تاریخندہ مجلس عمومیجہ عیناً قبول
ایدلشدر .]

مجلس اعیان و مبعوثانجہ قبول اولنان اشبو لایحہ نک قانونیتی و قوانین دولته علاوہ سنی
ارادہ ایلدم . ۳ رجب ۱۳۳۴ ۲۳ نیشان ۱۳۳۲

محمد رشاد

مالیہ ناظر و کیلی شیخ الاسلام صدر اعظم
طلعت خیری محمد سعید
* *

۱۳۲۹ دوائر بودجه لرینه ضمیمه ۱۰۶,۵۸۴,۸۵۸ غروشك صرف حقندہ قانون [*]

ماده : ۱ مفرداتی مربوط جدولہ محرر دوائرک بیک اوچ یوز یکرمی طقوز
سنه سی بودجه لرینه یوز آلتی میلیون بش یوز سکسان درت بیک سکز یوز الی سکز
غروشك تخصیصات منضمه اوله رق علاوہ سیلہ صرفہ مشیخت ایله حربیہ، داخلہ، عدلیہ،
مالیہ، معارف، تجارت و زراعت، پوستہ و تلغراف و تلفون ناظر لرینه مأذونیت ویرلشدر.
ماده : ۲ اشبو قانون تاریخ نشرندن معتبردر .

[قوه اجرائیہ جہ ۲۴ رجب ۱۳۳۱ و ۱۶ حزیران ۱۳۲۹ تاریخندہ تنظیم و موقتاً موقع تطبیقہ
وضع اولنان اشبو قانون لایحہ سی ۲۴ کانون اول ۱۳۳۱ تاریخندہ مجلس عمومیجہ عیناً قبول ایدلشدر]
مجلس اعیان و مبعوثانجہ قبول اولنان بو لایحہ نک قانونیتی و قوانین دولته علاوہ سنی
ارادہ ایلدم . ۸ رجب ۱۳۳۴ ۲۸ نیشان ۱۳۳۲

محمد رشاد

عدلیہ ناظر و کیلی داخلہ ناظری و حربیہ و مالیہ ناظر لری و کیلی شیخ الاسلام صدر اعظم
خلیل طلعت موسی کاظم محمد سعید
تجارت و زراعت ناظری معارف ناظری و پوستہ و تلغراف و تلفون ناظر و کیلی
احمد نسیمی احمد شکری

مربوط جدولہ کوستریلن علمیہ بودجه سی ضمی

فصل	ماده	غروش	اجال
۴	۱	۱,۲۰۰,۰۰۰	۱,۲۰۰,۰۰۰
		نواب معاشاتی	

[*] تقویم وقایع ایله نشری تاریخی: ۲ شعبان ۱۳۳۴ و ۲۱ مایس ۱۳۳۲ نوصروسی: ۲۵۴۷

تشلیت صورتیه قریه تاننه احواله اولنان اعشار بورجلرینه مدتدائر ۱۵ جادی الاولی ۱۳۳۴ تاریخلی قانونک لزوم کورونین برلرده تأجیل تطبیق حققنده قانون موقت [*]

ماده : ۱ تشلیت اعشار عینیه سنک بدله تحویل و تحصیلاتنک تأجیلنی متضمن اولان ۷مارت ۱۳۳۲ تاریخلی قانون احکامنک لزوم کورینن برلرده تأجیل تطبیقنه مالیه ناظری مأذوندر.

ماده : ۲ اشبو قانون تاریخ نشرندن معتبردر .

ماده : ۳ اشبو قانونک اجراسنه مالیه ناظری مأمورددر .

مجلس عمومینک اجتماعنده قانونیتی تکلیف اولنق اوزره اشبولایحه قانونیه نک موقتاً موقع مرعیتیه وضعی وقوانین دولته علاوه سنی اراده ایلدم .

۱۳ رجب ۱۳۳۴ ۳ مایس ۱۳۳۲

محمد رشاد

صدر اعظم
محمد سعید

مالیه ناظر وکیل
طلعت

*
* *

مرادیه و معدوره الرشاد قضااری [وان] مأمورینی معاش و مصارفی ایچون ۱۳۲۹ داخلیه و علمیه ، امنیت عمومییه و دفتر خاقانی بودجه لرینه ضمیمه ۲۶۰۸۸۰ غروشک صرفی حققنده قانون [**]

ماده : ۱ وان ولایتی داخلنده مجدداً تشکیل اولنان مرادیه و معدوره الرشاد قضااری مأمورینی معاش و مصارفندن داخلیه و علمیه و امنیت عمومییه و دفتر خاقانی بودجه لرنده قارشولنی بولنه میان ایکی یوز التمش بیک سکز یوز سکسان غروشک مربوط جدولده کوسترلدیکی اوزره دوائر عانده سی بودجه لرینه تخصیصات منضمه اوله رق علاوه صرفی ایچون شیخ الاسلام و داخلیه و مالیه ناظرلری مأذوندر .

ماده : ۲ اشبو قانون نشری تاریخندن اعتباراً مرعی الاجرادر .

[قوة اجرائیه جه ۱۹ شوال ۱۳۳۱ و ۸ ایلول ۱۳۲۹ تاریخنده تنظیم و موقتاً موقع تطبیقه وضع اولنان اشبو قانون لایحه سی ۲۴ کانون اول ۱۳۳۱ تاریخنده مجلس عمومیجه عینا قبول ایلدشدر .] مجلس اعیان و مبعوثانجه قبول اولنان اشبولایحه نک قانونیتی وقوانین دولته علاوه سنی

اراده ایلدم . ۲۴ رجب ۱۳۳۴ و ۱۴ مایس ۱۳۳۲

محمد رشاد

صدر اعظم
محمد سعید

شیخ الاسلام
موسی کاظم

داخلیه ناظری و مالیه ناظر وکیل
طلعت

[*] تقویم وقایع ایله نشری تاریخنی : ۱۶ رجب ۱۳۳۴ و ۶ مایس ۱۳۳۲ نوسروسی : ۲۵۳۲

[**] تقویم وقایع ایله نشری تاریخنی : ۲۰ شعبان ۱۳۳۴ و ۸ حزیران ۱۳۳۲ نوسرو : ۲۵۶۵

مربوط جدولك علمیه عائد قسمی

اجال غروش	يكون فصل	مفردات غروش	فصل	ماده	نوع مخصصات
		۳۶۰۰۰	۴	۱	نوردوز و بار كبرى قضالری نیابت معاشرلی
		۱۶۸۰۰	۰	۳	» » » محاكمی كتبه سی
		۶۰۰۰	۰	۴	» » » خدمه سی
	۵۸۸۰۰	۵۸۸۰۰			
		۹۶۰۰	۵	۱	» » » مفتیاری
		۴۸۰۰	۰	۲	» » » مدرساری
	۱۴۴۰۰	۱۴۴۰۰			
		۲۴۰۰	۶	۲	» » » محاكمی بدلات اجاره سی
		۳۰۰	۰	۳	» » » مفروشات مصارفی
		۶۰۰	۰	۴	» » » محروقات
		۱۲۰۰	۰	۵	» » » قرطاسیه
	۴۵۰۰	۴۵۰۰			
	۷۷۷۰۰	۷۷۷۰۰			

*
۰

۱۳۲۵ سنه سی بقیه دیونی اولان ۹,۳۲۴,۳۶۹ غروشك دواثر عائد سنك ۱۳۲۷ بودجه سنه ضمیمه صرف حقنده قانون[*]

ماده : ۱ بيك اوچ يوز يكرمی بش سنه سی بودجه سی خدماتنه عائد مصارف متحققه دن غير از تسويه قالان دیوندن دواثر اوزرینه تنظیم اولنان مربوط جدول موجبنه متین اولان طقوز میلیون اوچ يوز يكرمی درت بيك اوچ يوز التمش طقوز غروشك تأدییه سی ایچون دواثر عائد سنه اولمقدار تخصیصات منضمه ویرلشددر .

ماده : ۲ اشبو تخصیصات منضمه یه استناداً بهر قلم دینك حین تأدییه سنده اوچ يوز يكرمی بش بودجه سنك تعلق ایتدیكى فصل داخلنده قارشولنی بولنوب بولمدينی تدقیق و بولنه مدینی تقدیرده دواثر عائد سیله بالخابره قارشولنی تدارك اولنجه یه قدر تأخیر تأدییه

[*] تقویم وقایع ایله نشری تاریخی : ۲۵ شعبان ۱۳۳۴ و ۱۴ حریران ۱۳۳۲
نومروسی : ۲۵۷۰

ایدلک شرطیله هر دائره عائد مقدارک تعلق ایلدیکی بودجهیه علاوه صرفی ایچون مربوط پوصله ده اساسی محرر دوائر نظاریله مالیه ناظرینه مآذونیت ویرلشددر .

[قوه اجرائیه جه ۱۲ ربیع الاول ۱۳۳۰ و ۱۸ شباط ۱۳۲۷ تاریخنده تنظیم و موقتاً موقع تطبیقه وضع اولنان اشبو قانون لایحه سی ۱۷ کانون اول ۱۳۳۱ تاریخنده مجلس عمومیه عیناً قبول ایدلشددر .]

مجلس اعیان و مبعوثانجه قبول اولنان اشبو لایحه نک قانونیتی و قوانین دولته علاوه سنی اراده ایلدم . ۲۷ رجب ۱۳۳۴ ۱۷ مایس ۱۳۳۲

محمد رشید

عدلیه ناظر وکیل داخله ناظر حریه و بحریه و مالیه شیخ الاسلام صدر اعظم خلیل ناظر لری وکیل موسی کاظم محمد سعید طلعت

معارف ناظر و پوسته و تلغراف و تلفون ناظر وکیل نافع ناظری اوقاف هایون ناظر وکیل احمد شکری عباس تجارت و زراعت ناظری ابراهیم احمد نسیمی

۱۳۲۵ سنه سی بقیه دیون جدولک علمیه قسمی

اسامی دوائر مرکز		طشره		یکون	
پاره	غروش	پاره	غروش	پاره	غروش
۱۰	۸۰,۱۶۵	۱	۱۱۰,۳۱۳	۱۱	۱۹۰,۴۷۸

★ ★

۱۳۲۶ سنه سی بقیه دیونی اولان ۲۴,۹۳۵,۴۲۸ غروشک دوائر عائده سنک ۱۳۲۷ بودجه سنه ضمیمه صرفی حقنده قانون (*)

ماده : ۱ بیک اوچ یوز یکر می آلتی سنه سی بودجه سی خدماتنه عائد مصارف متحققه دن غیر از تسویه قالان دیوندن دوائر اوزرینه تنظیم اولنان مربوط جدول موجبنجه متین اولان « یکر می درت میلیون طقوز یوز او توز بش بیک درت یوز او توز سکز » غروشک تأدییه سی ایچون دوائر عائده سنه اول مقدار تخصیصات منضمه ویرلشددر .
ماده : ۲ اشبو تخصیصات منضمه یه استناداً بهر قلم دینک حین تأدییه سنده اوچ یوز

[*] تقویم وقایع ایله نشری تاریخی : ۲۷ شعبان ۱۳۳۴ و ۱۵ حزیران ۱۳۳۲

نومروسی : ۲۵۷۲

يکرمی آلتی بودجه سنک تعلق ايتديکی فصل داخلنده قارشولنی بولنوب بولندينی تدقيق و بولنه مدیني تقدیرده دوائر عائدہ سبیلہ بالخبرہ قارشولنی تدارك اولنجهیه قدر تأخیر تأدیہ ایدلمک شرطیلہ ہر دائرہ عائد مقدارك تعلق ایلدیکی بودجهیه علاوہ صرفی ایچون مربوط بوصلہده اسامیسی محرر دوائر نظاریلہ مالیه ناظرینہ مآذونیت ویرلمشدر.

[قوہ اجرائیہ جہ ۲ : ربع الاول ۱۳۳۰ و ۱۸ شباط ۱۳۲۷ تاریخندہ تنظیم وموقتاً موقع تطبیقہ وضع اولنان اشبو قانون لایحہ سی ۱۷ کانون اول ۱۳۳۱ تاریخندہ مجلس عمومیجہ عیناً قبول ایدلمشدر .]

مجلس اعیان ومبعوثانجه قبول اولنان اشبو لایحہ نك قانونیتنی وقوانین دولته علاوہ سنی ارادہ ایلدم . ۲۸ رجب ۱۳۳۴ ۱۸ مایس ۱۳۳۲

محمد رشاد

خارجیه ناظرى وعدلیہ ناظر وکیل خلیل	داخلیہ ناظرى وحریریہ وبحریہ و مالیه ناظرلری وکیل طلعت	شیخ الاسلام موسی کاظم	صدراعظم محمد سعید
تجارت وزراعت ناظرى احمد نسیمی	معارف ناظرى و پوستہ وتلغراف وتلفون ناظر وکیل احمد شکری	نافعہ ناظرى عباس	شورای دولت رئیس واوقاف هایون ناظر وکیل ابراہیم

بوصلہ

اسامی دوائر
علمیہ
پارہ غروش
۱۰ ۸۹,۹۸۸

★ ★

رؤیتی بر محل محکمہ ویا دائرہ عدلیہ سنہ عائد دعاوینک محل آخر محکمہ ویا دائرہ عدلیہ سندہ موقتاً رؤیت اولنسی حقندہ قانون موقت [*]

مادہ : ۱ رؤیتی بر محل محکمہ ویا دائرہ عدلیہ سنہ عائد اولان دعاوی ومصالحي دیگر محل محکمہ ویا دائرہ عدلیہ سندہ موقتاً رؤیت وحکام ومستتظقر وحاکم معاونلری ایلہ مدعی عمومیلرہ وظائف اصلیه لرینہ علاوہ وظائف سنائرہ عدلیہ بی دخی کذلک موقتاً ایفا ایتدیرمکہ عدلیہ ناظرى مآذوندر .

[*] تقویم وقایع ایلہ نشری تاریخی : ۱۲ شوال ۱۳۳۴ و ۲۹ تموز ۱۳۳۲
نومروسی : ۲۶۱۲

ماده : ۲ اشبو قانون تاريخ نشرندن اعتباراً مرعى وحكمى ۲۱ تموز ۱۳۳۰ تاريخنده اعلان ايديلن سفر برك مدتجه جاريدر .

ماده : ۳ اشبو قانونك اجراسنه عدليه ناظرى مأموردر .
مجلس عمومينك اجتماعنده قانونيتى تكليف اولمق اوزره اشبو لايحه قانونيه نك موقناً موقع مرعيتيه وضعى وتوانين دولته علاوه سنى اراده ايلدم .

۸ شوال ۱۳۳۴ ۲۵ تموز ۱۳۳۲

محمد رشاد

عدليه ناظر وكيلى
خليل
صدراعظم
محمد سعيد



قواخانه عالی مقررات نقضیه سی

دورک قضاسی محکمه شرعیه سندن اعطا اولان ۱۲ جادی الاولی سنه ۱۳۳۴ تاریخلی اعلامك اسباب نقضیه سی :

اعلام مذکورده مدعى عليها وکلی مزبورك تصدى ایلدیكى استنکاح دفعی حقنده طالب تحلیف اولمدينى ویا بالطلب مدعى مزبورك تحلیفی اجرا ایلدیكى غیر مبین اولمقله برابر موکله مزبورده نك تاريخ اسبق، ايله مرقوم طاهرک منکوحه سی اولدیغنه متدائر وکیل مزبورك افاده واقعه سنى مرقوم طاهر، بالتصديق اولوجهله سبق نکاح مدعاسنده بولندينى تصريح ایلدیکندن افاده مبحوته شخص آخره اضافه واسناد عقددن عبارت قالدينى واستطلاقك کیفیتى وکیمک طرفندن واقع اولدينى تعیین وتوضیح اولندينى جهتله اولبابده بينه استماعنه تصدى ایلدسنك وجهی غیر منقهم و مرقوم طاهر سبق نکاح ادعاسنده بولنه رق استطلاق دخی بوندن طولانی مرقومه قارشو درمیان ایدلمش ایسه مرقوم عبدالرحمانك مرقوم طاهرک حضوریه طالب طلاق اولدیغندن عبارت اولان شهادت مذکورده مرقوم طاهرک استطلاقی حقنده مدار اتخاذه غیر صالح بولنش ومدعى مرقومك نکاحی مثبت اولسنه نظراً مرقوم طاهر ايله مزبورده نك بینلری بالتفریق حکایه اولسان معاشرت غیر مشروعه نك دوامنه اول امرده حیولت ایدلمك ایجابات عالی شرعیه دن